

松下雜鈔

卷之十

彭氏舊聞錄

淮南彭孫貽界仁著

攷世本帝顓頊姓姬氏黃帝氏之魯孫叔于勝濟氏曰女嫫生
伯伯卷車季禹三人卷車取涅水氏曰嬌媧生犁及回犁為祝
融犁卒帝嚳以回代之食于吳是曰吳回生陸終取鬼方氏曰
女嬪孕三年生子六人曰樊曰惠連曰箴曰求言曰晏安曰季
連以六月六日圻左而三人生剖右而三人出箴為陸終第三
子字鏗封于彭是為大彭祖夏封其孫元哲于韋為豕韋氏
老彭至商守官大夫壽七百六十七取四十九妻生五十四子
實彭氏得姓之始

陸

彭應陽應廣輿記徐州禹貢徐州之城古大彭氏國秦置彭
城縣項羽都此漢曰徐州攷漢書地理志楚國高帝置宣帝地
節元年更為彭城郡後漢書郡國志彭城國高帝置古大彭邑
蓋因彭祖所封故曰彭城云按陸終既生于吳而老彭復封于
淮北今金椒溧水溧陽山東河南諸彭氏皆在徐州千里之內
而今椒去徐不遠則吾彭氏宜以彭城為郡望斷自彭祖始
元魏始重氏族六朝南北因之唐重氏族各冠以郡望至宋有
萬姓統宗占今姓纂諸書以隴西為彭氏郡望今攷隴西介蜀
漢之間在古為南荒地尚書惟庸蜀羌髳獫狁蠻盧彭濮人秦漢
以後上庸三巴瀘川皆列為郡縣春秋羌戎小國多彭姓蜀有

彭門彭衙彭陽皆古彭地今滇黔土司多彭姓皆其後也攷
古今彭姓前漢大梁王越昌邑人今宛州也彭宣淮陽人後漢
上彭寵宛人彭脩會稽人皆在彭城千里內外而隴西無聞焉惟
蜀彭萊廣漢人今成都也與隴西近當為隴西彭氏之望不可
以概海內也李唐起太原公卿將相皆在汾并而隴西與李氏
同郡當有西南彭氏從之仕宦故以隴西為郡望而後世遂
因之實非彭城之正系也千家姓彭氏系淮南郡無幾近之
解大紳鏡方彭氏族譜辨疑序云唐末五季豫章唐鑑陸陵之
亂極矣鍾傳起鄉兵策功至通顯已而驕恣其下復亂賴危全
諷兄弟起而救其敵粗定一方傳奏全諷為撫州玠為吉州

雖申傳薦爲實唐室之命也楊行密既背唐脅江西從之獨
全諷及玕不從仍唐刺史之號各守境土以拒行密二人者皆
唐忠臣也厥後勢孤援絕而奔馬殷未嘗爲之臣殷亦以客礼
待之梁唐繼纂志不獲伸惜哉予友彭君子斐以家譜來京師
予頗通氏族之學請著所聞以考正焉譜稱彭宣事漢成帝爲
大司空而北齊陳留王樂其九世孫予按宣事孝哀以二千七
百四戶侯長平嘉謚曰頃子醒孫業嗣侯遭王莽始廢而譜略
之成帝下距北齊將四百年未應纔九世當有十字蓋譜之傳
刻屢矣或有此遺脫也又云陳留王六世孫景直唐中宗時爲
礼部郎官其後有構雲天寶中袁州刺史李景以名聞上遣中

使齊延立召之至再乃行上欲官之辭歸遣中使房嘉送之賜
束帛號其鄉曰招君有震山釣臺石室其所居處今袁州宜春
也予按宣家淮陽樂家安之而景直但云世居淮陽豈遺從不
常故略之歟中宗時距天寶未遠景直構雲非父子則祖孫耳
譜稱構雲之子始家廬陵而不著其先何時居宜春予以他書
攷之景直之先隋之季氏譜失其名不敢妄加又云招君之子
茲憲宗時進士為進賢令三子伉侗維岳皆進士而侗登第在
德宗貞元七年為令宜春父茲登第在其後蓋茲十七生伉十
八生侗登第時纔十九茲登第時年五十二相去十六七年
耳侗生輔信州長史五子玘其第四子其母德既如此譜稱其

乾符初投筆起義兵不著其里居按史稱玕世家廬陵今吉水
永豐故廬陵縣地南唐保大八年始置吉水旋廢雍熙元年復
為縣致和元年始置永豐今永豐之沙溪吉水之豐口墳墓具
在玕以後唐長興四年癸巳三月薨年八十勅葬長沙楊氏納
土始歸塋折桂鄉之豐口玕之生在宣宗大中七年癸酉起兵
纔二十餘耳州志稱平湖有彭玕殺冢所居必在長溪豐口之
間其為吉水人無疑也譜稱乾化初授檢校太保後唐長興壬
辰加太尉封安定王以疾辭不拜按乾化之時馬殷尚在羈縻
莊宗克梁殷始入賀玕不與偕行其志可見長興封王之命尚
且辭之朱溫太保之命其不受可知矣但稱吉州刺史固玕之

志歟玠長子世家廬陵顯者有博士齊太子中允應永贛州刺史居醇御史中丞思永其在鄱陽汝礪治平進士第八吉水方豐塘有方迴寶佑南省第一其在鏡方有應瑞應星應旂方界晉起子皆進士子美叔季新叔士龍九齡必達士傑禹士德高子明子承仕皆有名子斐其後賢也按大紳所叙如此今安福彭氏為海內之冠莫盛於明甲第科名人物相望豈皆其後耶玠為唐室忠臣子孫蕃衍如此宜其代有聞人不愧忠孝名家耳

宋室南遷士大夫多南渡元既混二彭氏有自安福遷于金椒者族幾至千人今攷金椒彭氏宗圖初祖觀受安福縣五十一

都人取周氏生子崇合葬安福崇字茂倫

娶

取周氏字忠娘生二

子曰貴曰礼俱葬安福貴

娶

李氏字足娘生二子曰陸榮曰雲

魁始葬全椒南山之左為全椒彭氏始祖

礼生卒不可攷家風

陽府全椒縣黃道鄉二十五都魯遊越

卒于全椒與妣氏俱

葬全椒南山左實生平越公勝為吾海鹽彭氏始祖

按全

椒宗圖謂礼遊越後生子勝當是傳會平越公未嘗生于越

因今日世官居浙遂誤謂生于越耳平越公足跡徧天下未

嘗一至浙身歿雲南後始有平越衛指揮余事之授凡身傳

始官于鹽不復更調

族祖彭海替襲兄職供列祖壽勲次云父彭勝甲午年七月

于張成松下從事乙未年閏正月取和州六月克采石太平丙
申十二月破中丞水寨三月克陳也先水寨四月克金壇丁酉
年三月下常州四月克寧國宣州六月取江陰八月征常熟戊
戌三月征湖州辛丑二月克高郵八月克安慶江州壬寅四月
克江西癸卯三月接應安豐四月征廬州七月下鄱陽湖敗陳
寇甲辰年征中興湖南潭州辰沅州乙巳十月克泰州興化丙
午三月破高郵四月取淮安八月下太湖十月克舊館十一月
取湖州吳元年九月下蘇州十月撥入金吾右衛千戶徐玉下
隨指揮侯英征西破定西王保營一百八渡取興元洪武四
年四月本衛指揮同知陸齡具奏除青州衛營軍百戶五月授

昭信校尉勅命一道七年正月調守代縣四月改振武衛洪武
十年十一月授承信校尉世襲勅命一道十一年九月陞雲
衛試千戶十二年實授十三年調真定衛五月除府軍後衛右
所副千戶八月調壽州衛加武略將軍勅命一道十四年隨岳
指揮征進雲南十一月二十七日克普定城總兵征南將軍留
守本衛十五年正月隨本衛顧指揮征西堡殺級二十一顆擒
賊五名獲馬三尺解安陸侯交割二月領軍回所三月蠻人叛
逆隨本衛顧指揮哨探殺免截路賊人三名四月接應安陸百
戶曹亮回衛殺免截路賊五名生禽七名復隨顧指揮前去阿
咱等寨與賊對敵殺免賊人九名獲到牛馬解赴平涼侯交

割領軍回所五月隨樂指揮從總兵安陸侯開平盤江道路攻
打詳羅納邊等處蠻寨殺死賊人一十名總兵官差撥調取
盤江軍馬沿路蠻賊截路領軍殺退賊衆螺獅寨打粮生禽賊
人三名殺死七名領軍回所十七年七月隨顧指揮節次攻打
各處賊寨十九年四月得患勞怯病症十二月內身故奉右軍
都督府札付陞除平越衛世襲指揮僉事病故未任洪武二十
年七月除兄彭壽留守後衛指揮僉事二十一年調左府前衛
指揮僉事二十三年隨東平侯前往東昌養馬操練二十四年
為倒死馬足事蒙錦衣衛差鍾千戶取回赴京三月錦衣衛白
鎮撫奏欽依撥都司衛充軍二十五年審都司等官奏復前職

調屬臺衛二十七年立建昌衛調領全衛官軍仍前職洪武二十九年為百戶張文吉不應事理四川行都司解京洪武三十一年兵部給到奉字七百五十五號文往成都府在開寄住三十一年起取赴京仍授前職前去提兵官處聽調蒙總兵官魏國公調撥濟南左衛官軍到通州病故海將家小完聚思兄彭壽別無嫡長兒男止有庶男纘兒年四歲幼小海係親弟具狀赴府陳告懇請蒙將海纘兒一同送部有嫂陸氏告准海代替前職候男纘兒長成仍還前職本衛保勘的實准懇調浙江海寧衛指揮僉事世襲洪武三十四年正月十六日到任署事永樂五年欽差內官張差往徽州催督營造木植令軍人趙買

兒等據輶都指揮孫成移咨浙江都司移左府具奏提取三法
司問擬該榜例罪名大理寺啓奉 皇太子令旨發武安侯處
做軍立功永樂八年隨大軍迤北征進運粮清水源交割六月
隨總兵朱都督運糧往應昌接應大軍回還七月到北京九月
兵部官引奏奉 皇孫令旨降等本衛左所正千戶八年十二
月到任管事永樂十一年二月欽奉勅諭武職官曾經降職一
休復職三月到任復職署事今思兄彭壽原任四川行都司建
昌前衛指揮僉事已故庶長男蠻兒幼小海代替前職今姪蠻
兒郎彭玉見年一十七歲應襲父職今于十年八月移關本衛
指揮姚英保勘起送浙江都司就將備細脚色并宗圖一樣三

本送兵部十一年四月本部差辦事內官陳成送赴行在兵部
六月到北京行在兵部八月兵部引奏奉天門准襲前職仍
任本衛世襲指揮僉事本年八月十七日給文憑回衛右按
前族祖所供一以見始祖汗馬勲勞起行伍而致世券東平吳
楚西屈川越南極滇黔北空沙漠久聖祖命將出師大征伐
大行役吾祖無不執戈以從祖宗創業之難如此一以見昭代
馭將之道一有小過輕則奪職重則編伍雖于功臣不少假貸
國家立法之嚴如此乃後世子孫紈袴養不不知先代之勞
驕縱佚樂輕犯縣官之法宜乎不能保世而承先矣

徐象梅兩浙名賢錄彭程素負膽略知天文正統十三年沙苑

賊鄧茂七據延平稱鐘平王都督劉聚檄程率兵往討

王文祿海寧衛志程奉檄往討師出禡祭縣學生仲端捧毛血
所盛椀適墜地碎程拔劍欲斬端、跪而言曰吉家然破賊矣
程喜而釋之

徐象梅西浙名賢錄曰程率兵往討明年正月哨延平下營適
別帥招飲程移營不赴帥不悅其夜賊劫程舊營不值驚遁
走明日程入謝帥知之驚服且問故曰下營時有怪風占必有
偷營者故移營避之一軍皆以為神當是時聞帥屯兵大山程
兵寡傍溪結營賊酋未必森率眾隔溪過呼其屬指之曰
先往滅大營回軍盡殺此奴輩當以髑髏為酒器與諸軍痛